





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.17/a

ORATIO

ACADEMICA

DE VERA NOBILITATE:

HABITA

A IO. COTTUNIO

IN ACADEMIA RICOVRATORVM

AD

ILLVSTRISSIMVM

ET EXCELLENTISS.


ALOYSIVM

VALARESSVM.

Equitem, & Senatorem Venerum,
Optimum, amplissimumque.



Patauii, Ex Typographia Pauli Frambotti. M. DC. XXXVIII.
Superiorum permissu.



ILLVSTRISSIMO,
ET EXCELLENTISS. D
D ALOYSIO
VALARESSO.

EQVITI, ET SENATORI VENETO,

optimo, amplissimoque
Domino, & Patrono
enixè colendo,

Summam, ac Perpetuam F. P.



*Emo vspiam est, Illustrissime, & Excellentiss.
Heros, qui natalium splendorem, Nobilitatem,
non suspiciat: at verò in quonam ea sincere sita,
& reposita est, pauci porrò, & ut ille ait, vel duo, vel
nemo, vix norunt. Hinc de ea, quemadmodum de præ-
clara quaque, et non obuia re fieri amat, vehementer in
omni ætate controuersum est, & totis etiam voluminibus di-
sceptatum. De hac ipsa mihi antea actis diebus, dextro quo-
dam sydere edisserere contigit. Rem integram, quamquam
paucis, & stylo, & genio Academico, sed solide quoad po-
tui, complecti visum est, eo præsertim consilio, ut Veneta
Nobilitas, quæ cunctarum vbiuis gentium merito atque opti-
mo iure maxima est, longè conspicacius in conspectu omnium
refulgesceret.*

*Nobile hoc argumentum inclyti ac nobilissimi tui nominis
titulis insignitum in publicum prodire gestit, ut vel ipsa fron-*

A 2 re

te lectissimum absolutæ Nobilitatis exemplum, Venetæ Cla-
ritudinis antistitem, quasi adstipulatorem, assertoremque sui
præferat. Verumenimvero auita tua signa atque insi-
gnia inter maxima Veneti firmamenti sydera, interque lu-
minaria ipsa apprimè consurgent. At verò alieno danta-
xat decore haud contentus splendescere, quòd alta cogitatio-
ne sensatum illud reuoluis,

Et genus, & proavos, & quæ non fecimus ipsi,
Vix ea nostra voco,

Acceptam a maioribus lucem incomparabilium virtutum
tuarum splendoribus mirum in modum amplificasti, atque il-
libata tua luce, virtutem etiam ipsam multis iam partibus ef-
fecisti venerabiliorem; quæ in excelso sita faciem solet acci-
pere augustiorem. Quippe cui unquam, non apud nos mo-
do, sed apud exteras quoque ac remotissimas nationes, admi-
randa tuæ virtutes perspectæ, probataque non sunt? Om-
nes quicumque te norunt, (quis autem non nouit?) certa-
tim efferunt admirabilem tuam in rebus gerendis prudentiam
in tractandis grauissimis Æternæ Reipubl. negotiis dexteri-
tatem, in prouidendis diligentiam, in conficiendis celerita-
tem, in flectendis animis efficaciam, in congressu clementiam
erga uniuersum litteratorum cætum incredibilem ac
pene diuinam humanitatem; ut merito tuo aui nostri Mæ-
cenas habearis munificentissimus. Nos, nos ipsi experti,
dum & actionem meam Patauii condecorare, & me ipsum
munificentissimè excipere dedignatus haud sis; quæ hic lu-
bens efferrem, ni mihi moderatio tua stylum comprimeret.

Accipe igitur, Heros Illustrissime, & Excellentissime,
magnæ erga Celsitudinem tuam obseruantiae meæ, exiguum
hoc litterarium monumentum, atque hilari, qua soles, respice
vultu

vultu, dum ego ex intimo animi recessu Deum, Opt. Max.
deprecor, ut te incolumem, sospitemque quamdiutissimè &
seruet, & tucatur.

Vale Æternæ Reipubl. lumen, ac columen, & Musarum
presidiumque, decusque.

Patavii V. Calend. Maii. A.P.V. M.DC.XXXVIII.

Illustriss. & Excellentiss. Celsitud. tuæ.

Observantissimus

Ioannes Cottunius.

2 3 ORA

O R A T I O

A C A D E M I C A .

D E V E R A N O B I L I T A T E .

a Plutar.
 de defe
 oracul.
 Varro.
 lib. 3.
 de ling.
 latin. M.
 Tull. 2.
 de diuin.
b Diod.
 Sicul. li.
 16. stra-
 bo lib 9.
 Alex. ab.
 Alex lib.
 6. Dier.
 Gen. c.
 2.
c Plutar-
 ch in vi-
 ta Alex.

d Insigne
 Acade-
 miæ Ri-
 courato-
 rum.



ERRARVM ille *a* umbilicus, Pythiæ
 antrum, quod olim incredibili cultu,
 ac famæ celebritate Orbem compleuit
 vniuersum, non assiduò, sed per inter-
 ualla perhibetur responsa dedisse; non-
 nunquam *b* Idibus, aliquâdo Calendis
 nunc Sole exoriente, nunc desinente; quòd per id tem-
 pus ex intimo illius hiatu, acri quodam spiritu, & fatidi-
 co flatu manante, Phœbas in tripode collocata, quasi di-
 uino afflatu quateretur. Hinc magnus ille Macedo *c*
 cum aliquando oraculum consulturus Delphos adiisset,
 atque tum forte nefasti agerentur dies, in quibus nefari
 quidem illi mos erat oraculo, primùm ipsam vatem re-
 luctantem, seque lege tuentem orauit, mox inuitam tra-
 hens, templum ascendit, quæ studio, ac vi hominis victa,
 exclamasse fertur *ἀνικητος εἰ τίχνης*, inuictus es fili.

Nobile inclytæ vestræ Academiæ *d* ANTRVM, Il-
 lustris. Acad. BIPATENS ANIMIS ASYLVM, statis tē-
 poribus, non sine cælesti psephismate, sua oracula fun-
 dit, quemadmodum in præsens recolit intermissa. Sentit
 nunc quoque eximium ac pēnè diuinum halitum atque
 afflatum, non ex imo specu, verùm ex editissimo, Eminen-
 tissimoque Corneliæ domus apice iucundissimè effusum:
 ex qua quidem familia tanquam ex Troiano illo equo

Græ-

f Græcorum proceres, innumeri ingentium virtutum
 Heroes prodire, qui admirandis suis virtutibus non
 modo litterariæ, sed Aeternæ quoque, ac Sereniss. Rei-
 pub. Venetæ, atque adæo Ecclesiæ vniuersæ, etiam-
 nùm & decori sunt, & ornamento. Excipimus verò
 viuudum hunc vegetumque afflatum exoriente fulgen-
 tissimo Pisano Sole, optimo huius Acad. Principe,
 ac Moderatore, qui quidem Musarum fauus, Chari-
 tumque delictum, & viuum probitatis exemplum,
 incomparabili omnigenarum virtutum agmine tiaras
 & infulas ornat, atque exorietur nobis *d' uti purpureus*
Sol. Hic me, nefestis mihi diebus, ob grauissima Phi-
 losophiæ studia, Magni instar Alexandri, at non, vi
 sed blanda, qua mirificè pollet, comitate, ad hoc
 suggestum, vnde anteaestis temporibus tot præclaro-
 rum vatum effusa delata sunt, suauiter traxit; vt in
 rem accomodatè cadere videantur venusta illa Burde-
 galensis g Portæ carmina de Theodosio Augusto, mo-
 do nomen immutem.

f Virgil.
 Aen. lib.
 2.

d Lucret
 lib 2 de
 reb. na-
 tural.

g Aufon.
 in epigr.
 ad Theo-
 dos. Im-
 per.

*Dicere Pisanus iubet, & mea carmina poscit,
 Pene rogans, blando vis latet imperio.*

Non habeo ingenium: Pisanus iussit: habebo.

Cur me posse negem, posse quod ipse putat?

Inualidas vires ipse excitat, & iuuat idem

Qui iubet. Obsequium sufficit esse meum.

Hausto itaque hoc benigno afflatu, canam, &
 inclytæ huic Academiæ, & Patauio vniuerso. Iam
 animus illo agitante calescit, iam vires vltra sortem-
 que assurgit: iam haud *paciens h immanis in antro*
bacchatur: iam sublimior.

h Virgil.
 Aeneid.
 lib. 6.

A 4 ma-

kin. cod.
lib. 6.

maiorque & videtur,

*Nec mortale sonans afflatus numine quando
Iam propiore . Iam responsa fundit.*

Εὐγενὺς ἄκρον ἄωτον, ὑπαὶ μέγα σείῃ μεγίστῃ
Στῆθε, καὶ ἡμίτερος δ' ὄρνιθ' ἐπὶ κρᾶτα λείζει.

l Alex.
ab Alex.
lib. 6.
Dier.
Gen. c. 2

*Qua quidem, etsi l quondam nullum oraculum ede-
retur latinè, nihilominus latinis auribus ita sonant.*

Nobilitas tua flos rerum sub maxima magna .

Iunge opus, & frondes nostri tua tempora lambent .

Vos animum aduertite : ego Augurum , aut ædipi su-
bibo vices , atque vbi delatum responsum interpretatus
fuero , Harpocratē imitabor .

Εὐγενὺς ἄκρον ἄωτον . *Nobilitas flos rerum est.*

m Arist.
lib. 1.
Rhetor.
cap. 23.

Nemo vspiam est, nisi aut impensè fatuus, aut imis
præcordiis liuidus, qui non generis claritudinem ac no-
bilitatem, præcipuum rerum humanarum ornamentum,
splendorem, & illibatum florem suspiciat. Olfecit hunc
eximius Naturæ arbiter Stagirites, dum fælicitatis partes
commemorans, ab hac natalium luce exorsus, hunc in
modum expaciatur . Fælicitatis m partes sunt, nobilitas,
gratia, amicitia proborum hominum, diuitiæ, bona pro-
les, multitudo filiorum, facilis senectus. Præterea corporis
virtutes, bona valetudo, pulchritudo, vires, magnitu-
do, certandi robur, quin etiam gloria, honor, prospera
fortuna, virtus, atque eius partes, prudentia, fortitudo,
temperantia, iustitia. Videtis, quàm multiforme
quamque generosum beatitatis agmen, quasi egregius
& animosus signifer atque dux nobilitas ducit? Deliba-
uit, hunc ipsum florem Plato, dum constitutis n in vni-
uersum septem hominum ordinibus, qui alios imperio
rege-

n Plato
lib. 3.
de leg.

regerent, post parentes, quibus regendi apicem merito
atque optimo iure, ascripsit, actutum annectit nobiles.
Imperium, inquit, omne, est parentum in liberos, clari-
rum nobiliumque virorum in eos, qui loco ignobili, &
genere inferiore procreati sint, senum in iuniores, domi-
norum in servos, præpotentum in imbecilles, prudentum
in rudes, & denique forte electorum in repullos. Quia

βελτίους ἢ καὶ τὰς ἐκ βελτίων, ἀγίγεια γὰρ ἐστὶν ἀρετὴ γίνους. Consen-
taneum est, viros meliores, præstantioresque eos esse,
qui e præstantioribus orti sunt: nobilitas quippe generis
virtus est, inquit p Arist. antegresso loco a me in-
ductus: & rationem reddidit in eo libro, quem r de
Nobilitate ediderat. ἡ γὰρ ἀρχὴ τοιαύτην ἔχει τὴν δύναμιν, πολλὰ
παρασηδάζειν οἷα περ αὐτῇ. Origo eam vim nacta est, ut com-
plura eiusmodi præparet, cuiusmodi ipsa est. Huc spe-
ctat Euripides in Hecuba, cuius elegantissimos versus
haud possum, quin ascribam.

p Arist.
lib. 3.
Pol. c. 8.
& lib. 1.
cap. 4.
r Apud
Stobeu
serm 86
f Eurip.
i Hecub.

Λένος χαρακτήρ ἀπίστημος ἐν βροτοῖς
Εὐδῶν γενέσθαι, κατὰ μᾶζον ἔρχεται
τῆς ἀγενείας τὸ νομα τοῖσιν ἀξίοις.

*Vehemens nota, & insignis inter mortales,
A bonis natum esse, & magis magisque illustratur
Nobilitatis nomen, fortibus, & dignis.*

Hinc in contexendis laudum, encomiorumque co-
rollis ab illibato hoc flore initia expediunt. Plato, ἀγα-
θοί, inquit, ἐγίνοντο, διὰ τὸ εὖ εἶναι ἐξ ἀγαθῶν, τὴν ἀγίγειαν οὖν παρ' ὅτον
ἐνκομιάζομεν. Boni quidem fuerunt, quoniam ex bonis orti
sunt: generis itaque præstantiam primùm laudibus ef-
feramus:

Et

x Claud
de laud.
Serenæ.

Et Claudianus x

*Quod si nobilitas cunctis exordia pandit
Laudibus, atque omnes redeunt in semina causæ,
Quis venerabilior sanguis, quæ maior origo? &c.*

a Plutar.
in vita
Thei.
b Diony
sius Ha
lic. lib 2
c Arist.
lib 4.
Pol. c. 4.

Isthuc in re fuit, cur prudentissimi quique Urbium,
Legumque institutores in id sedulo incubuerint, ut cæ-
tum virorum nobilium ab reliquo populo discrimina-
rent. Theseus a *Ευπατριδας* a populo, Romulus b Sena-
torium ordinem, a plebeio, Ipse ingeniorum apex Ari-
stoteles c ciuitatem, prima partitione in nobiles, & po-
pulum segregauit.

d Pierius
Valer.
Hierog.
lib. 26.
f Thuc.
in limi-
nari pa.
g Apul.
de Dog-
mat. Pl.
h Plut.
in vita
Solenis.
k Aristophanes
in Comæ-
dia Aues
m Iliud.

Quæ quidem discernendi ratio tam altè in generosis
pectoribus deinde insedit, ut eam externis quoque no-
tis, habitu, ornatuue indicare vbiuis gentium mos incre-
buerit. Athenienses, qui veteri ac illustri gestirent fa-
milia, d cicadas ex auro in pileis gestauerunt, vnde
Thucydide f *τεττιγορόοι* hoc est Cicadigeri dicti: iidem,
g & præsertim florente ætate, in auribus aurum nobi-
litis insigne tulerunt.

Lacedæmonii h verò, atque adeò Græci propè vni-
uersi, qui alios natalium splendore, & generis claritudine
anteirent, comam aluerunt, serui autem, humiles, at-
que e medio petiti homines, intimè tondebantur.
Aristophanes in k Auribus,

Επειτα δῆτα δοῦλος ὃν κόμην ἔχεις.

At dein seruus cum sis, portas comam.

Quo quidem spectans doctrinarum pater Homerus
m Græcos vocat *καρηκομύαντας ἀχαιούς* capite crinitos idest
nobiles.

Romanos verò, quibus maiorum imagines, & nata-
lium

lium decus suppetere, lunulæ n̄ nigris calceis affixæ a reliquo populo segregauerunt. Quod Numa Pompilius instituisse fertur, siue ut Romanæ gentis antiquitatem ad Arcades referret, qui se *προσελήνους*, *astris p̄ Lunaque priores iactabant*; seu potius ut a centum illis Senatoribus ab Urbis auctore Romulo dispositis, sanguinem trahere indicaret. Hinc r̄ ille.

Et nobilis, Et generosus,

Appositam nigra Lunam subtexit alutæ.

Et argutus f̄ Poeta

Lunata nusquam pellis, Et nusquam toga.

Tum Statius:

Genitum te curia sensit,

Primaque Patricia clausit vestigia Luna.

Iisdem nobilitatis index erat x Bulla aurea, cordis figuram præseferens, in pectore gestata, quemadmodum lorum erat Plebeiorum. Hinc Satyrographus, cum de illa, quam Hetruscum aurum vocat, quod ab Hetruscis a Tullio Hostillio debellatis translata fuerit, dixisset,

Quis enim tam nudus ut illum

Bis ferat, Hetruscum puero si contigit aurum?

Subiungit,

Vel nodus tantum, aut signum de paupere loro.

Discernebat etiam purpura, qua Patritios a tantum ac Senatores uti fas erat. b̄ Martialis

Te, inquit, Cadmea Tyros, me pinguis Gallia vestit.

Vis tu purpureum, Marce, sagatus amem?

His ipsis ius extitit annulorum aureorum, quo quidem integris temporibus c̄ ceu quadam tessera equites a plebe

n̄ Plut. in Pro-blem. c. 79. Cælius Rhodig. lib. 20. c. 28. Io. Rosin. lib. 5. c. 36. p̄ Ouid. fast. l. 1. r̄ Iuven. satyr. 7. f̄ Mart. l. 1. epig. 17. r̄ Statius Sylvarū lib. 5. x̄ Plut. in Prob. c. 101. Mac lib. 1. Satur. c. 6. Plin lib. 33. c. 1. Iuvenal. satyr. 5. a App. l. 2. bel. ci. ui. Alex. ab Alex. l. 2. Dier Gen. c. 29. b̄ Mar. l. 6 ep. 11. c̄ App. l. 2. bell.

ciu. 10.
Ros. 1.2.
Alex. ab
Alex. lib
1. c. 29.
d Iuuen.
satyr. 1.

be secernebantur, quamquam rebus retro sublapsis, utrorumque usus collapsus commemoretur. Hinc ille de Crispino homine humili, & obscuro loco procreato, conqueritur.

*Cum d pars Niliacæ plebis, cum verna Canopi,
Crispinus tyrios humero reuocante lacernas,
Ventilet æstium digitis sudantibus aurum.*

Quid vero? ne nomine eos, nisi cum discrimine referri fas erat: siquidem Romanorum insignioribus, & claro sanguine cretis, tria circumferebantur nomina, cæteris duo tantum. Quod eo carmine extulit f Aufonius.

f Aufon.
in Grap
ternarij
numeri.
g Iuuen.
satyr. 5.
h H. r. 1.
2. serm.
satyr. 5.

Tres equitum turmæ: tria nomina nobiliorum.

Et Iuuenalis g si quid tentaueris unquam

Hiscere, tanquam habeas tria nomina &c.

Quò spectat etiam h Venusinus Poeta,

*Quinte puta, aut Publi, (gaudent prænominē molles
Auriculæ) tibi me virtus tua fecit amicum.*

k Corn.
Tacit. 1.
de mor.
Germ.

At verò per exterarum quoque nationes; si lubet, cogitatione expatiemini. Apud Germanos k qui veteri familia, ac maiorum insignibus præstarent, non fluente veste, sed stricta, & singulos artus exprimente utebantur: cæteri verò sagis cum fibula.

m Philo
strat.
in v. a
Apoll. 1.
2. c. 9.
n Iustin.
lib. 141
strabo. 1.
15.

Quod etiam Sarmatæ, & Parthi usurpauere. Apud Indos m byssum induere, nisi natalibus clarus, nemo poterat. Apud Parthos n ac Persas, equo vehi, aut pedes ire, nobilitatem a vulgo secreuit. Apud Sueuos p quibus parentes præclari, insignesque extitissent, ij obliquabant crinem, & nodo subtrangebant, reliqui verò fluxa coma, & passis crinibus incedebant. Apud Ægyptios r prolixâ coma claritatem nascendi designauit. Thracibus

p Corn.
Tac. 1 de
nar. ger
Luc. in
Nigrino

spun-

ſ punctos eſſe in facie nobiles ſignificabat, non punctos ignobiles. Gelones, & Agathirſi t ora artuſque cæruleo pingebant, vt quique in maioribus præſtarent, ita magis vel minus pingerentur, non pingi autem humilem, infimoque loco genitum deſignauit. iccirco Latinus poeta vtroſque pictos appellauit.

Eoaſque x domos Arabum, pictoſque Gelones.

Tum etiam . a

Creteſque Driopeſque fremunt, pictique Agathirſi,
Sic aliis gentibus diſcrimen b aliquod in habitu, ornatu, aliisue rebus ſemper extiſſe nouimus, quibus genere ac nobilitate præſtantes ab reliqua vulgi parte diſcrimarentur: quia; vt Ariſtoteles c loquitur ἡ δὲ γένετα παρ' ἐκείνοις ὅμοι τήμιος, Nobilitas apud omnes domi in honore habetur. quòd aliis excellere ac præſtare, pulchrum.

Quæquidem præſtandi cupido ſunt quos tam inſigniter inuaſit, vt ſe, maioresque ſuos, quo altiora ſuæ claritudinis ac nobilitatis iacerent fundamenta, Diis, Deabusque genitos, procreatoſque aſſeuerarent: quod nemo apud Homerum, Virgilium, cæterosque poetas non animaduertit. Equidem vnum, vel alterum locum ſubiicio. Achilles apud Homerum d

Αὐτὰρ ἐγὼ γένεην μεγάλου Διὸς ἄχομαι εἶναι,
Τί τε μ' ἀνὴρ πολλοῖσιν ἀνδράσιν μυρμιδόνεσσιν
Πηλεΐδης Αἰακίδης, ὃ δ' ἄρ' Αἰακὶς ἐκ Διὸς ἦεν.

At ego generatione magni Iouis gloriſor eſſe.

Genuit me vir multis imperans Myrmidonibus

Peleus Æacides: Hic autem Æacus ex Ioue erat.

Æneas, e Quid, inquit, Theſea magnum,

Quid memorem Alcidem? & mi genus ab Ioue ſummo.

Aiax

/ Herod.
lib. 5.
Pomp.
Mela l. 2
& ſolen.
lib. 2.

x Virgil.
lib. 1.
Georg.
a Idem
Æneid.
lib. 4.
b Alex.
ab Alex.
l. 5. c. 18.
c Ariſt.
lib. 3.
Pol. c. 13

d Hom.
Iliad.
lib. 21.

e Virg.
Æneid.
lib. 6.

6 Ouid.
lib. 13.
Metam.

Ajax Nafonianis h. versibus hunc se effert in modum

*Atque ego, si virtus in me dubitabilis esset,
Nobilitate potens essem Telamone creatus.
Mænia qui forti Troiana sub Hercule cepit,
Littoraque intravit Pegaseæ Colcha carina,
Æacus huic pater est, qui iura silentibus illic
Reddit, ubi Aeolidem saxum graue sisyphum urget:
Æacon agnoscit summus, prolemque fatetur
Iuppiter esse suam. Sic a Ioue tertius Ajax,
Subiungit ibidem Vlysses,*

In eodē
loco.

sedenim quia rettulit Ajax

*Esse Iouis pronepos: nostri quoque sanguinis auctor
Iuppiter est: totidemque gradus distamus ab illo.
Nam mihi Laertes pater est: Arceſius illi,
Iuppiter huic.*

Rectè igitur in responso delato dictum fuit, *ἄγχι δ' ἄρ' ἔστι
ἀρετῆς Nobilitas Flos rerum est. At at,*

*Vnde nam hic adeo suaeolens flosculus,
Nobilitas decerpatur,*

*Summa doctissimorum hominum dissensione certatur:
& quemadmodum olim*

Antholo-
gia Græ-
ca,

Ἑπτὰ πόλεις μάχωντο σοφὴν περὶ ρίζαν ἡμῶν.

*Septem Vrbes certant sapientem propter Homeri Radicem,
Sic in præsens septem hortuli, longè, quàm Pensiles illi,
aut Alcinoi, præstantiores, de eo contendunt. Diuitiæ,
Virtus, Doctrina, Militia, Princeps, Patria, & Genus.*

*Plurima mortalium pars auri argentique fulgore per-
culsa, omnem generis ac nobilitatis splendorem opibus,
absque vlllo vnquam discrimine adscripsere.*

Eu-

Euripides & in Aeolo,

Τὴν δ' Ἀχαιοὶ, πρὸς θεῶν, μῆμοι λίγῃ.
Ἐν χερσὶ τοῖσι.

*Nobilitatem, quaeso te, ne mihi refferas:
Hoc in pecuniis situm est.*

Idem m in Erechtheo,

Ἐχθρὸν δὲ παῖδ'. τοῦτο γάρ τ' ὄτ' ἄχνη.
καὶ τοῦτο γὰρ δίδωσι τὴν πρῶτον ἀχνη.

*Habere quidem tenta. Hoc est nobilitatem,
Donat, & nuptiis primariis potiri.*

*Huc spectavit Venusinus n olor, dum canit.
Omnis enim res,*

*Virtus, forma, decus, diuina, humanaque pulchris
Diuitiis parent: quas qui construxerit, ille
Clarus erit, fortis, iustus, sapiens, etiam rex,
Ecquicquid volet, hoc veluti virtute paratum,
Speravit magna laudi fore.*

Et alio loco p

*Scilicet uxorem cum dote, fidemque, & amicos,
Et genus, & formam, regina pecunia donat.*

Hinc appellatione pecuniæ, res omnes contineri vi-
ri docti scriptum & testatumque prodidere. Et diues, si
Varroni credimus, a diuo dictus est, quod is peræque
atque Dii nihil indigere videatur. Quid verò? vatici-
natur s ille,

*Aurum quisquis habet, superos mercatur, & astra:
Captiuosque tenet sub ditione Deos.*

Prodit altero loco Virtus, acriori hominum suffragio
fulta, quæ quidem vel opibus consociata, vel etiam sola,
gestit esse nobilitas. Theodectes, ut auctor est: Aristot-
eles,

& Eurip.
in Trag.
Aeolus.
Act. 2.

m Idem
in Trag.
Erechthe-
tes.

n Horat.
lib. 2.
serm. Sa-
tyr. 3

p Idem
Horat.

r Inl. pe-
cun. de
verb. si-
gn.

s Balbus
poeta.

t Arist.
lib. 1.
Pol. c. 6.

x Arist. l.
1. Rhet.
c 6.

a Plaut.
in Amp.

b M. Tull.
in orat.
ad fall.

c Corn.
Tac. lib.

d Senec.
epist. 44.

e Lucret.
in eius vi
ta.

f refer.
Tiraq. de
nobil. c.
14.

teles, nullo alio, quàm virtute, & vitio nobiles, & igno-
biles definiuit, quòd virtute qui maxime excellit, is cum
sibi, tum posteris claritatem, & nominis amplitudinem
parit. Virtutis est, & inquit ille, comparare quæ bona
sunt, eaque ipsa tueri. Virtus primum gradum hono-
rum obtinet, virtus a premium est optimum, virtus om-
nibus rebus anteit, virtus in se omnia habet, omnia ad-
sunt bona, quem penes est virtus, Hem satius est b re-
bus prosperè gestis florere, quàm maiorum opinione
niti: & pulchrius nobilem virtute fieri, quàm nasci.
Nasci, & c generari ab illustri ac sublimi stirpe fortui-
tum; illustrem verò ac sublimem fieri animi est scelli.

Non facit nobilem, inquit stoicorum pater Seneca,
d atrium plenum fumosis imaginibus, animus facit no-
bilem, cui ex quacumque conditione supra fortunam
licet surgere. Porro Nobilitas honores: e Honos autem
Virtutis est præmium. Hinc Plato e Nobilitate in qua-
tuor veluti species distributa, eam cæteris splendide præ-
tulit, quam quispiam virtute, animique magnitudine
sibi pepererit. Eos, inquit, qui honestis, bonis, iustisq;
maioribus nati fuerint, nobiles vocamus: Item, quorum
parentes potentia præditi, & primates fuerint: Præterea,
quorum maiores fama, & opinione extiterint celebres;
siue ex bellicis rebus præclarè gestis, siue ex certaminum
coronis: ex his enim procreatos, nobiles appellamus:
Postremò, cum quispiam per se ipse generosus est, &
animi magnitudine excellit, hunc nobilem dicimus: Et
ista est omnium optima. Commendatur, & illud f car-
men.

No-

*Nobilitas morum plus prodest, quàm genitorum :
Nobilitas etenim sola est, quæ moribus ornat
Cui accinit Iuuenalis, h*

*Tota licet veteres exornent undique ceræ —
Atria, nobilitas sola est, atque unica virtus.*
In quàm quidem sententiam circumfertur hoc quoque
carmen.

*h Iuuen.
satyr. 8.*

*Si pater est Adam cunctis, si mater & Eva,
Cur ne sumus cuncti nobilitate pares?
Degenerant homines vitij, funque minores,
Exaltat Virtus, nobilitatque genus.*

Hæc abundè videntur effirere, vt vera nominis clari-
tas ac nobilitas constituenda sit sola Virtus.

Insequitur Doctrina, ac scientia, quæ haud minori
merito genus, & nominis celebritatem parere videtur :
iccircò quibus in bonarum artium studijs fortuna felici-
ter peracta est, ij nobiles, & præclari, insignesque
appellitantur : nec defuerunt qui Nobilitatem scientiæ
filiam nuncuparint. Seneca *m* Neronem his omni-
nò alloquitur. Ego quid aliud munificentiae adhibe-
re potui quàm studia, vt sic dixerim, in vinbra educa-
ta : e quibus claritudo venit : claritudo autem idem quod
Nobilitas pollet. Et Horatius, postquam constituerat,
fortes creari fortibus, & bonis, annectit,

*k Iur. cō-
sull. apud
Tiraq. de
Nobil. c.
5.
m Corn.
Tac. lib.
14. Ann.*

*Doctrina n sed vim promouet insitam :
Rectique cultus pectora roborant :
Vicumque defecere mores,
Dedecorant bene nata culpæ.*

*n Horat.
lib. 4.
Carm.
Od. 4.*

Huc se agit etiam militia, & obstrepente armorum
fulgore, illustres ac nobiles effici sui cultores depugnat

B ob-

p Salust.
de bello
Iugurth.

r Bald.
Bart.
Tiraqu.
ca. 6. de
Nobil.

f Budęus
in ann.

Pandet

t Laur.

Valla li

bro 6.

Eleg. c.

22.

Quid de
dictis bo
nis sen-
tiendum
sit.

obtrudit identidem illud Salustij p sic se quisque hostem ferire, murum ascendere, conspiciendum tale facinus facere, properabat: eas diuitias, eamque bonam famam, magnam nobilitatem putabant.

Principem quoque r pro arbitratu suo, quemcunque voluerit, ex ignoto atque obscuro, clarum, ac nobilem reddere, & natalium f restitutionem dare, grauissimorum hominum auctoritas astruit: Argumento sunt, qui t Decuriones, aut equites aurati vocantur. Patria demum plurimum hic affert splendoris.

Verum, vt quod sentio ingenuè proferam, præfata bona, atque adeo nomina, & splendor ex iis parta, quemadmodum magni pendenda existimo, præcipuoque honorum gradu afficienda; & si lubet, noua etiam & recens quædam claritas, & nobilitatis species appellanda, sic nullus concesserim, quicquam illorum veram ac genuinam, quam hic venamur, esse nobilitatem. Quam iam in lucem efferre oratione accingor.

Vera nobilitas vnde hauriatur.

a Arist.
libro 1.
Rhetor.
cap. 24.

b M. Tul
lius erat.
pro flac-
co.
c Cuid.
lib. 1. fa-
sto.

Germana ac sincera Nobilitas, alia quidem a gentis, ac ciuitatis, alia verò priuata, vnius cuiuspiam familiæ enitet. Illa est, si homines *αὐτόχθονες* indigenæ fuerint, quemadmodum Athenienses, & Arcades iactitabant, aut vetustam habuerint originem. De illis Tullius b hæc scribit, Atheniensium ciuitas vetustate ea est, vt ipsa ex se se suos ciues genuisse dicatur, & eorum eadem terra parens, altrix, & patria dicatur. De his autem hunc in modum Ouid. c

*Orta prior Luna, (de se si creditur illi)
A magno tellus Arcade nomen habet.*

Et

Et alio d loco

*Ante Iouem genitum terras habuisse feruntur
Arcades, & Luna, gens prior illa fuit.*

Porrò vetustas sola haud solidum claritudinis argumentum censetur, alioquin complura humilia atque perobscura oppida, vtpote aliqua temporum intercapidine priora, multis inelytis Urbibus nobilitate præstarent: verum extitisse in ea gente, ac ciuitate oportet primos ^{in y. 12. op. d. s.} ductores præstantes, tum continuata quadam annorum serie præclaros duces, aliosue haud obscuri nominis ac celebritatis viros illuxisse. Hinc Maro, de Didone, & ipsius gente ita canit,

*Mediisque parant conuiuia tectis
Arte laborata vestes, ostroque superbo:
Ingens argentum mensis, calataque in auro
Fortia facta patrum, series longissima rerum
Per tot ducta viros, antiquæ ab origine gentis.*

Priuatus autem claritudinis splendor, ac nobilitas, fusè liberèque effertur ab Arist. in libris d Rhetoricorum, quod nobiles censendi sunt, si claris, ac nobilibus parentibus, aut viris, aut feminis orti fuerint, si legitimis nuptiis procreati, si primi illorum progenitores, aut virtute, aut opibus, aut bonis illis, quæ apud homines in precio habentur, clari, illustresque extiterint, si denique ex ea gente, atque familia præstantes multi atque spectabiles, & viri, & mulieres, & iuuenes, & senes prodierint.

Præstat verò rem cominus expendere. Primum verus nobilitatis flos ab utroque parente decerpitur.

Iccirco Tullius, f generis humilitatem Pisoni obii-ciens, O paterni, inquit, generis oblite, materni vix me-

B 2 mor

d Lib. 2.
eiusdem
Operis.

e Virgil.
lib. 1.
Aeneid.

d Arist.
lib. 1.
Rhetor.
cap. 24.

f M. Tul-
lius orat.
in Plo-
nem.

amor. Ita nescio quid isthuc fractum, humile, demis-
sum, sordidum, inferius etiam est, quàm ut Mediola nen-
si præcone auo tuo dignum esse videatur. Contra verò
Horatius g ab utroq; parente commendat Mæcenatem.

g Horat.
lib. 1.
Serm.
Satyr. 6.

*Non quia Mæcenæs Lydorum quicquid Hetruscos
Incoluit fines, nemo generosior est te:
Nec quòd auus tibi maternus fuit, atque paternus,
Olim qui magnis legionibus imperitarint &c.*

h Ouid.
lib. 1.
Fast.

Et Ouidius h de Euandro,
*Hinc fuit Euander, qui quanquam clarus utroque,
Nobilior sacra sanguine matris erat.*

k refert
Arist. 1. 1
Polit.
cap. 6.

Helena apud Theodectem k sic loquitur,

*Θείων δ' ἀπ' ἀμφοῖν ἐκγονὸν ῥιζμάτων
τίς ἄν προσεπείν ἀξιώσει λάτριν;*

*Ex Diuis ab utraque stirpe progeneratam
Quispiam appellare voluerit seruam?*

Quippè quemadmodum ad procreandos eximios, &
nobiles fructus, haud satis est idonea viuidaque Solis, cæ-
terorumq; corporum cælestium actio, sed vbertas etiam
& bonitas soli requiritur, sic ad claram, & illustrem pro-
gignendam sobolem, æquè maris agentis, atque perpe-
tientis fæminæ integra vis, & virtus exigitur: Et si alte-
rum horum defecerit, diminuta, ac penè mutila prodit
nobilitas.

m Arist.
lib. 1.
Rhetor.
cap. 24.
n Plutar.
in vita
Solonis.

Debent praterea ex parentibus iustè m ac legitimè
iunctis procreari. Ob id, nothi ab illustrium, ac nobilium
censu & albo iure merito eliminantur: ut Athenis n ha-
beretur locus, Cynosarges dictus, in quo nothi seorsim
ab ingenuis sese exercerent: vsque adeò illorum etiam
consuetudine nobilitatem contaminari crediderant.

Fe-

Ferunt nimirum p nothi perpetuam quandam a paren-
tibus sibi iniustam intemperantiæ notam. Quæ quidem
exinde existimatur emergere, quòd parentes claritudinẽ
sui generis proli impertiunt, qua sunt virtute affecti,
& ex recto eius tramite operantur. Qui verò vetitas vo-
luptates sectatur, is à virtute longè aberrat, legum repa-
gula perfringit, seque, ac suas actiones terra vitiorum cali-
gine, sordibusque inuolutat.

p Tira-
quellus
li. de no-
bil c. 15.

At iam ipsum illibatum excipite florem. Est itaq; vera
claritudo, ac nobilitas, antiqua virtus, & diuitiæ antiquæ,
longa annorum serie continuata successione in posteros
veluti per manus traducta. *ὅ γὰρ διγίγεται* inquit, Arist. *ἡ* in
Politiciis, vbi rem accuratiori trutina pensitat, *ἐστὶ ἀρχαῖος*
πλῆτος, καὶ ἀρετὴ. Nobilitas est antiqua opulencia, & vir-
tus. Tum *ἡ γενεὴς εἶναι ἀρκούντων, οἷς ὑπάρχει προγονὶ ἀρετῇ, καὶ πλῆ-
τος.* Nobiles ij esse videntur, quibus adest progenitorum
virtus, & diuitiæ. Quod in libro etiam de Nobilitate
r reposuit. cum talis, inquit, quispiam, & ita generosus
in aliquo genere fuerit, vt bonum ab eo profectum, in
multas ætates duret, hoc certè genus nobile & laud-
dignum esse necesse est.

r Arist.
lib. 4.
Polit.
cap. 8.

f Idem
lib. 5.
eiusdem
operis
cap. 1.
Apud
Stobæum
Serm. 84

Verum itaque claritudinis ac nobilitatis florem, ex
maiorum nostrorum tantum hortulo, virtute, & rebus
præclarè heroiceque gestis confito, & diuturna succeſſio-
ne generosè exculcto decerpimus ac delibamus; quod in
causa est, cur ea *ἀρετῇ γένος* virtus x generis appelletur.
Quo fit, vt qui suis duntaxat rebus gestis præfulget, sua, fac
etiam patris, virtute enitet, spiret, si vis, etiam Crassos,
& Darios, eum ego in hoc nobilitatis sacrarium nullus
admisserim. Dederim illi plena manu incipientem, ,
aut

r Arist.
lib. 3.
Polit.
cap. 8.

e Fa'd.
apud Ti
raquell.
lib. de
Nobilit.
cap. 19.
f. rist.
lib. 7.
Ethic.
cap. 10

a aut crescentem nobilitatem : at verò perfectam, omni-
busque absolutam numeris, nullus dederim . Et quemad-
modum vna, aut altera actio a virtute profecta non
b absoluit hominis felicitatem , quòd neque vna hiru-
do, aut vnus flos ver facit, sic vnus, aut alter virtutis gra-
dus haudquaquam efficit hominem verè nobilem .

Antiquus hic & venerabilis in familia splendor existit
qui precipuè a virtute exortus, & longo temporis intersti-
tio per plures personas micans, quasi illius familiae hære-
ditarius redditus est, vnde præclara & eximia quædam
lux in posteros explicatur, a qua verè nobiles nuncupan-
tur . Hinc nos nobilitatem *διγενειαν*, quasi bonum genus, &
nobilem *διγενή*, hoc est ex bono genere ortum appellamus.

c Arist.
lib. de
Nobilit.
apud
Stob.
Serm. 84

d Salust.
de bell.
Iugurth.

g Arist.
lib. 2.
Rethor.

f Plato
in Meno.
xeno.

Hic generosa quædam c ac latentia virtutum semina
natis indit, præclaros spiritus ad honesti, rectique amo-
rem impertitur, vim quandam ac præstantiam natura-
lem, qua supra cæteros assurgunt, elargitur, acre de-
nique ad honores, & gloriam calcar inijcit, vt quoties
maiorum imagines d pellustrant oculis, aut cogitatio-
ne complectuntur, ad præclara quæque facinora vehe-
menter inflammantur : atq; omni enitantur ope, quàm
a parentibus lucem g & gloriam acceperunt, non mo-
do conseruare, sed qua re cunque possunt, etiam accu-
mulare, & in posteros longè illustriorem transferre . In-
trospectit hoc ingeniorum apex Plato f dū scriptum reli-
quit, gloriam parentū natis esse præclarum magnificum-
q; Thesaurum, quo ipsi possent benè vti, & eundem ad
posteros mox transfundere . Quia videlicet Naturæ in-
stituto apprimè consentaneum est, vt generans gignat
libi

sibi simile, & vt Philosophi *k* verbis vtar, efficiat aliud
 quale ipsum, animal quidem animal, planta autem plā-
 tam, ἵνα τὸν ἀνὴρ καὶ τὸ θεῖον μετέχωσιν ἢ δῶσανται vt eius, quod
 semper est, & diuinum est, participant, prout possunt.
 Olfecit hoc ipsum Latinorum Lyricorum princeps Ho-
 ratiū, *m* dum.

k Arist.
 in 2. de
 Anim.
 tex. 34.

*Fortes, inquit, creantur fortibus, & bonis:
 Est in iuuentis, est in equis patrum
 Virtus: nec imbellem feroces
 Progenerant aquila columbam,*

m Hor.
 lib. 4.
 Carm.
 Od. 4.

Porro quin adhuc venusta ac sensata Plutarchi *n* ver-
 ba hic exscribam, temperare mihi haud queo, quę sunt.
 Non negabo nobilitatem generis initia duxisse a Virtute,
 eadem fulciri, eiusdem radiis illustrari, nihili eam fie-
 ri, molestē feram: quin potius dignissimam quę extol-
 latur, contendam: & qui virtuti duci comitem nobilita-
 tem possederit, eum iure præferri, his qui nobilitate ge-
 neris destituuntur, profitebor. Colendus est, & cæte-
 ris merito atque optimo iure anteponendus, qui ex vete-
 ri & illustri stirpe procreatus, claris natalium ornamen-
 tis nitet, tum propter præteritam parentum virtutem
 ex cuius radice prodiit, tum quia polliceri videtur, se
 haud absimilem suis florem futurum: Enitatur, vt que-
 madmodum nobilis natus est, quod benignioris naturę
 officium extitit, sic vitam generosē traducat, quod est
 optimi propositi: repetatque secum identidem illud
 Pindari *p* δὲ πᾶσι κορυθαίρετάν ἀπὸ πᾶσάν, decerpo summitates
 ex omnibus virtutibus. quia *nobilitas flos rerum est.*

n Plutar.
 in Apo-
 log. no-
 bilit.

p Pinda-
 rus in
 Clymp.

Quem quidem præclarissimum & generosum florem
 molliculis his versibus affari lubuit.

Flos

Flos cunctis violis, rosisque maior.
Flos cunctis Veneris prior corollis,
Flos præclarior omnibus Iacynthis,
Flos præstantior Indicis lapillis,
Flos præfulgidior nitore Phæbi,
Te qui terrigena excipit nitorem,
Te qui nobilium refert decorem.
Regales merito tenet secures,
Mortales pedibus terit recessus,
Pulsat vertice cardines olympi,
Intrat sydereum Iouis cubile,
Diuorum dapibus comes moratur,
Dulci & nectare vescitur beatus.
O rerum decus omnium superbum,
O flos tempore iam tacende nullo.

Pergit oraculum nostrum. ὅτι αἰνέται σὺν μεγίστῃ τῇα *sub*
maxima magna.

a Tabul.
 Chron.
 Alex.
 Sculceti.
b Strabo
 lib. 5.
 Geogr.
c Carol.
 Sigin.
 lib. 1. de
 Antic.
 Iur. Ital.
 Et Onuf.
 Panuin.
f Strabo
 lib. 5.
 Geog.

Tua nobilitas, (inclyta cohors, & generosum Patauium,) magna profectò est. Neque quisquam in tam tetra & cimeria rerum humanarum caligine obuersatur, cui non eximia Antenoreæ Urbis lux abundè præfulserit. Verumeninueno si eius natalia spectes, bis *a* mille & septingentorum annorum tractu gestiunt venerabilia, si dignitatem atque splendorem, olim *b* inter omnes huius regionis vrbes caput extulerat, si vires, vel ipsis *c* Romanorum armis nunquam legitur victa ac subiecta, si incolas atque habitantes, *f* quingenti viri equestris ordinis censi commemorantur, senatoria dignitate permulti, consulari, & sede curuli Cecina Peto, Trasea Peto, Aruncius stella, alii: demū litterarum cultores non modo olim, sed nunc etiam complures suo splendore orbis terrarum.

rarum aciem perstringunt .

Magna hæc nobilitas est *ὑπερβολικὴ* *sub maxima* nobilitate Veneta . Hæc quippe merito suo gestit maxima , quòd in ea omnes veræ absolutæque nobilitatis calculi conspirant . Patria ita vetustam nacta originem , vt eius ciues quasi *ἀπογονοὶ* indigenæ esse videantur . Tum antiqua virtus , antiquis quoque consociata opibus , innumerabili , continuataque annorum successione , eaque rigorosa trutina examinata , in posteros traducta , & generosis actionibus aucta , Solis instar inter minora sydera fulget . vt meritò & Venetæ familiæ videantur cæteris Italicis præferendæ , quæ aliorum Principum ditionibus sunt obnoxia : quia aliunde pendere , seruitutem sapit : seruitus autem veræ & absolutæ nobilitati repugnat , vel ei salte in qualemcunque labem offundit .

Veneta
Nobilitas
est
maxima

& Pompeius
Caimus
in lib. de
nobilit.

οὐδὲ, Iunge opus.

Natalium claritudini studiosarum actionum nitor iungendus est . Secus nobilitas , vt veteri *in* effato dicitur , in astragalus erit : genus ingenuum nisi cum virtute alget : stemmata , & fumosæ imagines virtutis luce exuta , degeneris animi nubem obducunt : generosos animos labor nutrit . Hoc pacto , *ἡμετέρος ὄροντες ἐπὶ χρόνῳ ἀέξουσιν*

in Adagiograph.

Frondes nostri tua tempora lambent.

Itaque

*Vos, qui sublimi rerum de germine florem,
Nobile cerpsistis genus, & decora alta parentum
Magnanimis eontenditis ultra extendere factis,
Egregia totum fama complebitis Orbem,
Semper Apollinea redimiti tempora lauro.
Sic non obscuris, dubiisue ambagibus æquum
Reddidit oraculum: sic mens afflata profatur.*

F I N I S.